



Орган Лемковского Союза

Выходит в каждый четверг.

Редакция и администрация в Крынци. — Адрес „Лемко“ Крыница.

Пренумерата в краю:

30 грошей місячно,
80 „ квартално,
1.50 „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошення малы за 1 мм. 20 гр., в тексті 30 гр., перед текстом 40 гр. При місячном и долшом оголошеню значна знижка.

Кonto чекове Нр. 404.155.

15-літний інвестиційний плян в Польщі.

На першом пленарном засіданю Сейма. Міністер Скарбу ниж. Квятковский выголосил двогодинну промову о плянах правительства в области господарской и скарбовой политики. В промові Міністер указал на проект нового ипотечного кредита, о матеріальном обезпеченю работников и обговорил подробно 15-літний плян інвестиційный. Інвестицій-

ный плян має ділити ся на 5 трохлітних периодов и в каждом периоді має ся перевести з горы означены інвестиции. В перших 3-ох роках правительство має наміренє перепровадити інвестиции, маючи на цілі поднести оружну силу Польши. Кошт тых інвестицій обчисляется на суму 2 миллиардов злотых.

Зміна внутреннего курсу в Совітах?

В послідних часах газеты доносят о великих персональных змінах в Совітах. Усунено с уряду начальника Г. П. У. Ёжова и ведля доносень гдєяких газет арештовано его. Также мали там арештовати найблизших сотрудников Ёжова, як комисар Волков и Зерман с Минска и около 600 агентов Г. П. У.

Уряд начальника Г. П. У. обнял Берий, котрый переводит грунтовну „чистку“ серед агентов Г. П. У.

До обалєня Ёжова мал ся причинити и Трошилов, котрый остро запротестовал против арештованю высших офицеров червонной армии,

а особенно против арештованю марш. Блюхера, против котрому всі оскарженя оказали ся неправдивы, а также Литвинов, котрый мал перекопати Сталина, же „чистка“, яку переводил Ёжов, шкодит Совітам в их заграничной политики и же Совіты тратят значенє в меженародной европейской политики.

В звязи с арештованєм Ёжова газеты пишут, же марш. Блюхер находит ся уж на свободі и был принятый через Сталина на конференцию. Также пише ся о том, же освобождено уж с вязниц генералов и высших офицеров царской армии.

Нунций Папский завзывают до згоды.

Нунций Апост. Стол. Кортези гоостид во Львові у метрополита Шептыцкого и лат. архиеп. Твардовского.

Выїзджаючи со Львова заявил: Свят. Отец поручил мені приятну задачу выразити цілому вірному населеню своей отцовской жичливости, с яком не перестает николи смотрити на тоту выбрану часть овчарні Иисуса Христа, котрой потребы познал зблизка.

Папа звертат ся до того населєня, штобы оно зложило на олтарі общего добра ненависть и гнів и штобы оно нашло добры способы до взаимного порозумлєня ся.

Св. Отец чистлит сильно на того, же росогнєны умы успокоят ся через труд клиру світского и монашого, котрый в своем существі єст трудом для спокою, згоды и любви.

Священники, на основі своего высокого покликаня, повинни розвинути безинтересовну акцию доброты и соединения, так важну для Церкви и Отчизны.

Чистка в гутлеровской партии. В Німеччині не всі сят задоволены пануючими там порядками. Невдоволенє серед населєня єст чим раз больше. Также и промысел не єст вдоволеный послідними зарядженями гитлеровских властей. Много людей голосит выступленє с народо-социалистичной партии, особенно по выданю послідних заряджень, обнимаєщих родинне жите. В виду такого положєня гитлеровски власти приступили до „чистки“ а арештовано недавно аколо 10000 людей, а заходит обєра, же на том ище не конец.

Уж вышол с друку богато иллюстрированный

КАЛЕНДАР „ЛЕМКА“ НА 1939 РОК.

Ціна одного калєндара разом с калєндарем стінным вынесит 50 грошей.

При замовленю 5-ох штук даєме 20 процент опусту. — Калєндар тот повинен найти ся в каждой лемковской хаті. Читатель найде в нем интересны оповідания и цілий ряд статей о ведєню сельского господарства в горах. Бєт он отже потребном книжком для каждого, кому лежит на сердци добро своей родины и дїтей. Прото понагляйте ся с замовленєм калєндара Лемка на 1939 рок!

Риздвяны яличкы в Совітах.

По раз перший от 21 літ т. є. от часу большевицкой революции будут в том році сорганизованы Риздвяны деревка для школьных дїтей в Совітах.

Рішенє таке принято на сїзді дыректоров народных школ, дїтячих клубов, прииутов, выховавчих домов и т. д., при чом рішено, же деревка будут уряджены на Новый Рок, а совітскы дїти достанут подаркы, до котрых могут быти приложены фотографии Сталина.

В Ленинграді маєт устроити под протекторатом Сталина спеціальне деревце, перєзначєне для дїтей ишпанских.

Также по инших містах будут уставлены на публичных площах великы, прикрашенны деревка, освєтлены електрыком.

Московскы фабрыкы забавок на деревка сят в руху тепєр по 24 годин на добу и не могут настарчити наплывающим замовленям.

Чи дали вы уж лепту на зимову помоч для безработных?!

Памятайте о зимовой помочи для безработных и их дїтей!

Єст місце для миллиона жидов в Австралии.

Лорд Марлей заявил недавно в палаті лордов, же Брытійска Империя може у себе помістити миллион жидов в самой западной Австралии, где находит ся незаменкалы пространства, потребуячинаселения. Он завзывает правительство открыти в Австралии иммиграцию не лем для жидов с Німеччины, але также и с других европейских держав.

Правительство не повинно тоту справу трактовати на платформі добротности, лем с точки зрїня интересу Брытійской Империи, котрой порожны территории домагают ся населения. Он заядал также информации, относительно выдаленных жидов, яки обозуют на

границі меже Польщом и Німеччином. Под конец своей промовы он высказал также возможности колонизацийны на территориях Гуаны Брытійской, котру належит злучити с Гуаном французском и голяндском и позднійше переобразити ю в своего рода колонию брытійску.

Правительство отнесло ся позытыено до заявленя лорда Марсей и член правительства заявил, же сама брытійска Гуана має около 40 тысяч км² пространства, але ест в большой части покрыта лісами, ненадаючима ся ко колонизации и што справа отступленя жидам колонии може быти трактована лем яко справа загально-світова.

Социалисты в Испании хотят ся годити.

С Барцелоны доносят, же віра в возможность победы упала аж и в руководительных кругах червеной Испании. Безперестанны демонстрации населения за миром толтают также правительственны круги до глядана угоды с ген. Франко.

Тепер уж и социалисты не хотят провадити войну. Провсдыр их Баестеро, запытанный через президента Азану, заявил, же не вірит не лем в победу, але аж и в того, штобы червена армия могла операти ся дальше повстанчим войскам. Он предложил президентови утворити правительство народной унии, котре бы навязало контакт с повстанцами в ціли заключеня мира.

Боронитель Мадрыта ген. Мная и ген. Бассасо вручили премьерови Негринови реферат, в котром описуют, же в Мадрыті и других містах нїт ани провинятов, ани одежи, штобы

перетримати зиму. В виду такого положеня сподівають ся, же той зимы прийде до заключеня мира в Испании.

Час отновити пренумерату Лемка на 1939 р. Всіх, кто не заплатил пренумераты Лемка за 1938 р. просиме выровнати свои рахуику!

ИСПАНИЯ МОНАРХИОМ.

Правительство ген. Франко признало гражданскы и маетковы права б. королеви Испании Альфонсовы XIII. Король може тепер вернути до краю и достане с поворотом свой великий маеток, який сконфисковало ему своего часу правительство республики.

Тот факт поясняют собі политичны круги, яко перший крок до привернення в Испании

монархии. Говорят аж и о том, же с Испании выїхала делегация до Риму, котра має предложити сынови короля Альфонса, дон Жуанови, князеви Астурии, штобы он зголосил свои права до королевского трону.

Князь дон Жуан уж пару раз голосил ся до ген. Франко, же хоче вертати до краю и прияти участь в боях против армии республиканцев, однак дотепер его предложения не были приняты.

АНГЛИЯ ОДАЄ ИТАЛИИ КОЛЬОНИЮ СОМАЛИ.

В кругах английских кружат поголоскы, же в Англии єст браный под увагу проект отступить добровольно Италии колонию Сомали, положену в Африці, што примусило бы также Францию до отданя Италии колонии Джинбути и Сомали французской. В Парижі сут тым проектом занепокоены и говорят, же подорож Чемберлена до Италии, може быти барз дорога.

Б. ПРЕМЕРА ПРИКАРП. РУСИ БРОДИЯ СУДЯТ ЗА ЗРАДУ ДЕРЖАВЫ.

Комисия чешко-словацкого парламента затвердила вчєсєне с переведенє процесу о зраду державы б. премьерови Прикарпатской Руси Ант. Бродиеви и б. министрви Фенцикови.

Процєс б. министра Фенцика, котрый остал в Ужгороді по опанованю того міста через мадярскы войска и котрый єст тепер послом до мадярского парламента, буде переведеный заочно.

Б. премьер Бродий єст обвиненый о зраду державы и о перекупство.

Лев Толстой.

БОГ И ЧОРТ.

Давно, давно, жил на світі властитель величезного маєтку. Служили ему численны невольники и хвалили его доброту, говорячи чєсто:

— Нїт на світі ліпшого пана, як наш. Дає нам їсти и одеж, не обтяжат роботом, николи не скаже нам прикрого слова и не памятає злого. Не єст он нич подобный до инших панов, котры обходят ся со своима невольниками горше як с худобом, карают их часто без причины и николи не скажут им доброго слова. Наш пан цілковито янашкий, он хоче нашего добра и єст для каждого ласкавый. Не могли мы найти ліпшого пана.

Чорт слышал невольников, выхваляющих пана и аж подскочил со злости. Он не може стерпіти згоды меже людьми и прото почал придумовати способы, як бы то повадити невольников с паном. Чорт обмотал одного невольника, Алеба и приказал ему нагваряти других невольников до злого.

Раз, коли всі отпочивали по роботі и хвалили своего пана, забрал голос Алеба и так промовил:

— Мои братя, безосновно выхваляте доброту нашего пана (бо аж и сам чорт стал бы ся добрый, як бы всі выполняли его волю. Мы служиме пану вірно, слушаєме его во всем и выполняєме на перебіжкы его волю. Як же он може быти для нас недобрый?

Але, если бы мы змінили поступанє, стал бы ся такой самый, як всі и дал бы ся нам во знакы больше, як другы найострийши панове.

Невольники бесідовали о том, што сказал Алеб и наконец заставили ся. Алеб собовязал ся допровадити до гніва своего пана и заключил умову, же в разі, если ся тото ему не удаст, то оа даст своим камратам свою святочну одеж, а в противном разі он достане их святочну одеж.

Кромі того прирекли невольнику Алебови боронити его и освободити на случай, если его закуют в кайданы, або замкнут в вязниці. Зроблено застав и на другой день рано Алеб мал розлостити своего пана.

Алеб мал под своим доглядом овчарню, в котрой находило ся много рідкой породы. Того рана, коли пан со своима гостями пришол до ов-

чарні, штобы показати им свои рідкы бараны, невольник чорта дал знак товаришам, же незадолго увидят гнів пана.

Невольники прибігли и смотріли, кади кто мог, через двери и шпарты в овчарні, Чорт сам вышол на одно дерево на дворі и затерал руки с радости, же Алеб служит ему так вірно.

Пан опровадил гостей по дворі, показал им найкрасни штуку овец и хотіл им показати своего любимца, маленького баранка, котрый именно задержал ся перед ним. Але Алеб в той хєвилі, як бы нехотючи, настрашил цілый кырдель, котрый почал втікати. Гости не могли отже увидіти красного баранка.

Видячи тото пан, сказал до Алеба тоном, с котрого перебивало недоволенє.

— Мой друже, старай ся злєпати моего любимца!

Лєдво однак сказал тоты слова, Алеб шмарил ся як волк в саму середину кырделя. Одним руком хонил барана за волну, а другим за ногу и скрутил бідной живині так сильно ногу, же она трісла ниже коліна.

Нєсчастне звїря почало бєчати и упало на передны ноги. Втотчас Алеб хонил баранка за праву ногу, а лїва опала ку землі.

Гости и невольники выдали оклик обурєня. Лєм чорт, видячи, што Алеб робит, радовал ся в душі.

Лице пана потемніло, на чєлі появили ся морщины, бровы стягнули ся, але не сказал ани слова. Всі стояли тихо, жєдучи, што ся стане, але пан молчал. Пак отряс ся, як бы хотіл сошмарити с себе якийсь тягар, двинул голову и всмотріл ся в небо.

Не трєвало тото долго, але в міру смотреня ся на небо морщины на его чєлі почали выглаждати ся, лице ставало ся яснійше. Незадолго усміхнул ся и, смотрячи на Алеба, сказал:

— Алеб, на приказ твоего пана ты хотіл мене розлостити. Господь однак, перед котрым я корю мою голову, єст сильнійший от твоего пана и прото ты не потрафил мене розгнївати. Але тепер я зроблю на злость твоему пану. Ты боял ся, штобы я тебе не покарал и хотіл быти свободным, то знай, же не буду тебе карати и присутности всіх дає тобі волю. Тепер заберай свою святочну одеж и заберай ся на чотыры вітры.

Тото сказавши, пан со своима гостями пошол дальше, а чорт заскреготал зубажы, зліз с дерева и запал ся под землю.

Ирина Пилевска.

О хові і селекції дробю.

Хованє домашніх птиц становит в ро́льном господарстві одну з поважних галузей продукції, котра особливо в малих господарствах єст часто головном основом быта. Увеличити доходи з хову домашніх птахів не єст трудно, треба лем хотіти и уміти того зробити. Ховати куры оплачат ся лем тым господарствам, котры будут его провадити рационально и цілево, т. зн. так, шобы зносили они якнайбільше яйц в том часі, як они сут найдорожши, т. зн. от листопада до лютого.

Хотячи мати куры, котры бы несли ся взимі, мусит ся о том памя-тати уж на весну и завчасу приготувити отвітно добрый материял. Со слабого, зле откормленого куряти, котре вялягало ся поздно, не буде николи куры, котра ся добре несе. Лем вчасны курята вырастают скоро и зачинают ся нести, маючи 180—250 днів, числячи от дня вялягнення. Прото тыж, шобы куры мали в листопаді приписаний вік зрілости, мусят быти вялягнены в отвітном часі т. є. в марті, або в початках квітня. Курята, вялягнены поздно, не маючи до розвитку отвітних умовій, як сонце, світло и тепло, николи добре нести ся не будут. Особенно вчасне вялягання ся курят єст важне при курах тяжких, як Кармазыны. Сисексы — Пльмут-роқы, котры потребуєт долгого часу до свого роз-вития. Куры звичайны, або зеленоножки вырастают скорше и могут вялягати ся позднійше, бо до розвитку потребуєт меньше часу (165—210 днів).

В хові домашніх птахів не осягнеме добрых результатов без ста-ранной селекції, то значит без выбераия найліпших штук до хову и усуненя всіх тых, котры ся зле несут и мають слабу будову.

В господарстві кур и інших домашніх птахів селекція єст ко-нечно потрібна, бо тепер ціна зерна єст неровномірно выспа от цін про-дуктов дробєвых. Штуки слабы подкормити и продати. Селек-цію дробю можеме перепровадити на основі цих совішних, выбираючи с помеже всіх когутов того, котрый красні и долго піє и в борбі со своим товаришами має перевагу. Єст то знак, же когут єст сильний, здоровый и с темпераментом. При выборі звертаме увагу на добру будову. Когут має мати: широқы груди сильно добре розстав-лены ноги, голову форемну, око быстрее гребін червеный. Піре мусит быти блискуче, што, так як и у скота блискуча серсть, єст доказом здо-ровья. Коли сым способом выбереме газду куриного двора, переглядаме тепер курқы, шобы и они таксамо як когут были здоровы, мали сильну будову и заповідали ся на того, же будут ся добре нести. Переглядаючи куры, остаєляме лем тоты, котры отвічають тыпови несучой куры, отже о спокойном усposобленню, мающей долгый хырбет, добре розвиненый зад, малу голову, око выпукле, тонький червеный гребін, жлты ноги и без хробацтва. Куры страхливы не несут ся добре. Куры, несучи ся добре, піркують ся звичайне позднійше от тых, што ся зле несут. Лем тоты господарства могут ся оплачати, котры оставляють до хову куры, несучи ся добре, а усунут, або перезначат на продаж штуқы слабо розвинены, котры покрывають ся поздно пірем, о вигляді безкровном, сідячи по ку-тах, як бы змуджены. Со старших кур належит задержати лем тоты, ко-тры несут ся добре, але не старши як 3 роқы. Найлучше переконати ся о том, чи куры несут ся добре, єст контроля яйц, т. є. записыванє килько кура знесла яйц через цілый рок.

Праві всі газдыні контролюєт свои курқы вечером, шобы переко-нати, котра с них має яйце. Выстарчит отже втотчас записывати на ар-кушу паперу несучость поодынокых кур. При большем числі кур, осо-бенно, если сут куры о той самой красці піря, мусиме их позначити и от каждой куры записуєме, килько она зносить яйц. Таку селекцію назы-ваме масовом селекциом, барз потрібном, понеже при ней усуваме шту-қы слабы, котры несут ся планьше.

Селекциом масовом не дойде ся однак до результатов годовельных, але поднесеме значно несучость и одержиме тым способом добру про-дукцію. Яезультаты годовельны можна осягнути лем через селекцію индивидуальну, котра выматат дуже работы и для селян ся не надає, прото тыж не буде ся о ней писати. Сут люде, котры специально посвя-чают ся годовлі кур и они старають ся о такы яйца, с котрых вялягли бы ся куры о высоких вальорах и тоты люде мусят переводити селек-цію индивидуальну. От таких людей можна купити часом яйца, або ище ліпше, вялягнены курята на расплодок.

Трафляють ся часом несчастны курята, котры втотчас, коли их ро-весники покрыли ся пірем, они ходят, як бы покривлены и покривдже-лы, голы без піря. Николи таких курят не треба оставляти до хову, лем конечно усунути. Если с ошадности, не можеме зробити того дораз, то подкормити такы штуқы через 3—4 тыждні и продати.

Час, в котром куры перестают ся нести, то час, коли они тратят піре. Дбача газдыня старат ся скоротити тот час через отвітный корм. В той цілі дає ся курам в часі траченя піря насіння рослин оліистых, отже на-

сінє сонечника, лену, конопель и т. д. Крім насіння рослин оліистых и макухов добре єст давати курам в том часі сіканє листє капусты, ко-тре має в собі сірку, потребує до вытвореня новых пер.

Шобы куры несли ся добре в зимі, треба их отвітно кормити. Сут три способы кормленя кур:

1) можеме их кормити лем самом мягком пашом,

2) можеме их кормити на зміну мягком и сухом пашом, даючи рано бандуркы с отрубамы, а вечером зерно,

3) можеме их кормити самом сухом пашом.

В великих господарствах кормят куры лем самом сухом пашом, причем часть зерна мечут курам до соломы, примушаючи их до гребаня. При сухой паші добра єст така мішанка: 20 частей пшеничных отруб, 15 частей змолотого овса, 10 частей змолотой пшеницы, 10 частей мя-снот мучкы, 10 частей мучкы с кырвы и 10 частей проса. В зимі треба дати 11 до 12 дкг, пашы для 1 куры легкой, а 12—15 дкг. для куры тяжкой. Шобы облегчити кормленє кур, подаю приміры уложєня ден-ных порцій корму для одной куры:

2 дкг. овса (1 дкг. скилченого)

3 дкг. пшеницы,

2 дкг. ячменя,

4 дкг. коничу або 2 дкг. мучкы мяснот,

5 дкг. бандурок вареных,

1 дкг. пшеничных отруб,

1 дкг. проса,

1 дкг. гречаной лупкы

и кус збераного молока, бураков и вапна.

Дам тобі раду.

Дам тобі раду, брате молодый:

Если ты долго здоров хцєш быти

И не зазнати лихой пригоды,

Стереж ся брате горілку пити!

Дам тобі раду, друже мой милый

Если дождатиєсь хцєш блатых літ,

Ревным ты трудом доход до цілі

И до работы бер ся, як світ!

Дам тобі раду молодый брате:

Если ты хочєш, шоб тебе світ

Цинил, поважал, то до просвіты

Горний ся пильно от младых літ!

Дам тобі раду брате мой милый:

Шоб в твоєй хаті все спокой был,

Звады ся стереж ты с цілой силы,

Жий в згоді с людьми аж до могыл!

Тверезость и Труд, притом Просвіта,

Згода, Мир, Любовь создадут нам

Счастье на землі, яй с того світа

Сотворят они, кажу я вам!

Кто вынашол цемент. Праві ніт тепер никого, кто бы не знал це-менту и его сильном застосованю при всякого рода будовах, але напевно мало кто знає, с чого робит ся цемент, а тымбольше кто его вынашол.

Цемент вынашол не якийсь ученый професор, але звичайный му-ляр англійский Осиф Аспдин перед перешло 100 роками. Он мішал гли-ну с меленым каменєм и уживал той мішанины до мурованя. С той мі-шанины почал будувати хату для себе, але же бракло ему грошей, то вй не докончил. Уж по его смерти люде звернули увагу на вырабляну через него мішанину, а коли оказала ся добра, то повстали фабрыкы, котры с мішанины глины и меленого каменя вырабляют цемент.

В том році принадат 100-літна рочница смерти Аспдина, котру в мі-сцевости Воксфилд обходили торжественно и на могылі его поставили ему памятник зроблений с цементу — материялу, котрый он вына-шол.

Край, где ніт злодієв. Швайцария знана єст с того, же там шанує ся чужу власность. Недавно там мал місце такой случай. Одна старуха выняла с касы всі свои ошадности, выносячи 4000 франков, котры по-становила переслати своему сынови почтом до отдалєного містотка. На почті довідала ся, же оплата кобтує 1½ франка, а же она не мала дро-бных грошей, то зложила гроши в пуделку от напіросок и яко пробку без вартости выслала сынови. Почтар принєс пакуночок до сына, а же хата была замкнена, положил ю на парапеті под окном от стороны до-рогы. Сын вернул по 4-ох днях и застал пачку там, хоц дорогом пере-ходило много людей. Правда, никто не знал, што находит ся в пачці, але саму пачочку виділи многы, але никто не поважил ся взяти чужу вла-ность.

Што чути в світі и в краю

В Італії отбирають жидам маєтки. Рада міністрів в Італії ухвалила, же жида мусят оддати державі всі свої маєтки, от котрых платят больше як 20 тисяч лирів рочно, а также всі фабрики и підприємця, в котрых робит понад 100 робітників.

За тоты маєтки достанут жида 4% облигации должны институту.

Англія отмовила виплати Чехії позичку. Своего часу Англія ухвалила дати Чехії позичку в висоті 30 миллионів фунтів и на тоту суму виплатила уж 10 миллионів. Тепер делегация чешка зголосила ся о виплату дальшой часті позички, але вернула с ничим, бо Англія, в виду теперешного політичного положення Чехії, отмовила виплатити їй дальшого кредиту.

Сні ги волки в Румунії. В Румунії уж дост давно упали на 1 м. высокі сніги и сильний мороз оковал землю. Поїзды курсуют там с парогодинним опозданем, а многы меньші місточки и села сут отрізані цілковито от світа через перерванє телеграфичних и телефоничних переводів. Найсильніші морози сут в Бессарабії.

В Добруджі занотовано пару случаев замерзненя. В Бессарабії численні кырдегі зголоднілих волков наближають ся в білий день до людських осель и нападають на худобу. Населенє організує облавы, хотячи боронити ся перед волками.

Жебрак — богачом. Янкель Фридман, жебрак, с котрым до недавна никто не хотіл говорити, стал отраз найголоснішим чеволіком в Вильні и многы купцы запрашають его на обіды, гостят и честуют и старають ся о его ласку.

Причином такой зміны стал ся факт, же амерыканський консулят завозвал его до себе со всіма документами, стверджаючими его ідентичность. Коли жебрак явил ся, урядник переглянул скрупулятно его папери и сказал ему, же его брат, який от долтого часу жил в Америкі, ягинул в катастрофі и оставил великий маєток, котрый має быти розділений меже родину и што на него припадат сума около 50 тысяч долларів (250 тысяч злотых).

Вість о том росышла ся по Вильні и тепер бідний жебрак, хоч ище не достал грошей, живе як пан, бо всі старають ся ему помочи, чисячи на того, же того може ся им оплатити.

Чехія не зменьшат своих милитарных сил. Чехія думала початково зликвидовати цілковито свою армию. Тепер однак змінила свой илян и наборот має она увеличити своє вооруженє. Новы рекруты мають быти покликаны до армии дня 1. марта.

Армия выпродає гдеякы части вооруженя старого тыпа, заміняючи их предметами найновішого тыпа. Фабрика Скоды робит день и ноч и вырабат она воєнни матеріали не лем для чешкой армии, але также для Німеччини и союзных с Німеччином держав.

Німеччина замовила в фабриці цементу в Карльовом Дворі великы партии цементу на укріпленя вихолной границы Німеччини меже Німеччином и Польщом.

Плевницка засуджена. В процесі против ген. Скоблинови и Плевницкой, оскарженим о того, же помогли они выкрасти большевицким агентам ген. Милера, суд в Парыжі засудил Плевницку, жену ген. Скоблина на 20 літ в'язниці.

Скоблин глеси пропал. Плевницка внесла против тому вырокови апеляцию.

Термиты зжерли двоє дітей. Село Барсик в долишном Єгипті єст цілковито знищена через термиты. Страшны тоты овады в пару минутах пожерли двоє малых дітей, с котрых кромі білых костей нич не остало. Всяка помоч была невозможна. Населенє, опановане через термиты, втікала в страшенном страху, перестран ку хатам. Населенє боронило ся запаледераючи ся через масы овадов, летячих со всіх нима, димячими ся головнями перед термитами. Власти выслали ратунковы експедиций, штобы спасти людей перед том бідом.

Совіты в воєнном промыслі Китая. С Москвы доносят, же понад 50 инжинерів и техников выїхало с Москвы до Китая. Будут они руководити роботами при будові фабрик оружия и амуниции в провинции Ю-Нау. Одночасно выслано транспорты машин для кытайского воєнного промысла.

Амнести́я в Чехословакии. В Чехословакии выбрано нового президента на місце дра Бенеша. Президентом был выбранный професор праского университета Др. Емилиан Гаха. Новый президент подписал амнистию для всіх політичных преступников, котры отвічали за чины, пополнены перед днем 7 жолтня т. р.

Антигитлеровскы манифестации в Швейцарии. На университетах швейцарских отбывает ся от долшого часу студентскы манифестации против пропаганді народо-социалистичной.

Польша отберат гражданскы права тым, котры живут поза границами понад 5 літ. В виду наплываючих масово зголошенє до Польского Банку а посіданю маєтків на терені Німеччини, правительство польске хоче увеличити число урядников в консулятах чужих держав, штобы в як найскоршом часі отобрати права гражданства тым, котры живут в чужих краях понад 5 літ.

Пяный злодій заснул на краденых річах. Властитель одного склепу в Варшаві отворил рано склеп и застал там лежачого на подлозі незнаного чоловіка, котрый спал твердо. Закликанный полициянт познал в нем злодія Теодора Анышкевича. Злодій достал ся в ночи до склепу, отверючи собі двери вытрыхом и при накованю річей до мішка нащол фляшку с палюнком. Натура не выдержала и злодій так ся спил, же заснул на краденых річах. Полициянт забрал злодія до арешту, где буде мати час вытверезити.

Чи замовили Вы уж
КАЛЕНДАР „ЛЕМКА“ на 1939 рок?

Комунальна Каса Ощадности Повіта Краковского в Кракові

Рок основаня 1882.

ЦЕНТРАЛЯ КРАКОВ, УЛ. ПИЯРСКА 1.
тел. 115-97, 131-73, 101-03.

О т д і л е н я : К Р Ы Н И Ц А, тел. 112.
В Е Л И Ч К А, тел. 6.

Всі порученя входячи в область банковости.

ПОРУЧЕНЯ ДЕВИЗОВЫ
ПОРУЧЕНЯ БИРЖОВЫ
СХОВOK АВТОМАТ.

СУМА ВКЛАДОВ ПОНАД 35.000.000 ЗЛ.
МАЄТОК ВЛАСНЫЙ ОКОЛО 6.000.000 ЗЛ.

БЕЗОПАСНОСТЬ.

ДОБРЫЙ ПРОЦЕНТ.

ДЕРЖАВНЕ ЗАВЕДЕНЄ КУРАЦИИНЕ
В БЕСКИДІ ЗАПАДНОМ

К Р И Н И Ц А — З Д Р О Й

Доїзд СКОРЫМА ПОїЗДАМИ через Тарнов—Новый Санч
ВАГОНЫ СЫПЯЛЬНЫ

15 жерел шав желізисто-земельных, богатых в безводник угля. — Здрой Зубера, найсильніша шав алькалична Европы. Польске Виши), купелі минеральны: квасоуглевы и боровиновы КУПЕЛІ СОНЕЧНЫ. — — Заведенє заосмотрене в найновіши приряды лічничи. — — Купель газовой сухы.

Пияльня и лазенкы, огріваны в зимі центрально. — Дом здравый покои с теплом водом.

РЕСТАВРАЦИЯ — ДАНЦИНГ — ЧИТАЛЬНЯ — РАДИО

Театр в сезоні головном, кино, спорты літны и зимущны.

Крыницкы воды лічат:

хвороты сердца, жолудка, жолчи, печенкы, проводов мочовых, женочи, малокровие, нервы — действуют добре на перемену материи и т. д.